



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.38. Alimenta & vestimenta.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII. excitet audientes. Episcopus vel Præ-
 A. C. 763. positus mandata sua denunciât, & delin-
 c. 9. quentes corripiat. Capitulo finito sin-
 guli ad opus manuum sibi injunctum se
 conferant.

§. XXXVIII.

Alimenta & Vestimenta.

c. 20. De Alimentis statuitur, ut a Pascha us-
 que ad Pentecostem Canonici bis in
 die reficiantur, & carnibus vesci liceat,
 sola die Veneris excepta. A Pentecoste
 usque ad Festum S. Joannis bis refician-
 tur, sed carnes non comedant. A Festo
 S. Joannis usque ad Festum S. Martini bis
 reficiantur, atque diebus Mercurii & Ve-
 neris a carnibus abstineant. A Festo
 S. Martini usque ad Natalitium Domini,
 a carnibus abstineant, & usque ad No-
 nam jejurent. A Nativitate Domini
 usque ad Quadragesimam jejurent us-
 que ad Nonam diebus Lunæ, Mercurii,
 & Veneris, & his duobus diebus a car-
 nibus abstineant, aliis diebus bis refician-
 tur. Si inter has Ferias Festum incide-
 rit, in voluntate Præpositi sit dare licen-
 tiam vescendi carnibus. In Quadragesi-
 ma (*) jejurent usque ad Vesperas, &
 vetitum

(*) Der Protestant giebt das Wort, *Carême*,
Quadragesima, in den Fastnachten. Und gleich
 darunten: *Quando unica datur refectio*, man
 wird nach der Mahlzeit dreymal trinken,
 Viele andere Fehler zu geschweigen.

vetitum sit extra Monasterium manducare. In Refectorio septem mensæ sternantur. Supremæ accumbant Episcopus cum hospitibus & peregrinis, Archidiaconus, & quos Episcopus invitaverit. Ad secundam sedeant Presbyteri, ad tertiam Diaconi, ad quartam Subdiaconi, ad quintam alii Clerici, ad sextam Abbates, & quibus Præpositus licentiam dederit, ad septimam Clerici ex Civitate in præcipuis Festis. Panis mensura nulla ponitur. Prudentibus detur unum pulmentum, & duobus Canonicis duæ carnis portiones, cœnantibus autem una portio. Cibis Quadragesimæ etiam caseus accensetur. Potus singulis mensura præscribitur. Prudentes ad summum ter bibant, cœnantes vero bis, & ter, quando unica datur refectio. Qui a vino abstinent, Cerevisiam bibant. Omnes Canonici per vices in culina serviant, excepto Archidiacono, & quibusdam ministris aliis, qui in utilioribus occupantur.

In vestimentis hæc habeatur ratio. Media pars Clericorum, nempe Seniores, singulis annis accipiant Cappas novas, veteres autem junioribus dentur. Presbyteri & Diaconi, qui assidue deserviunt, singulis annis accipiant duas tunicas*, aut lanam, unde duæ tunicæ effici possint, & duas interulas*. Pro calceamentis

Sæcul. VIII.
A. C. 763.

c. 21.

c. 22.

c. 13.

c. 24.

c. 29.

* Sarciles.

* Camifiles.

U 4

tis

Sæcul. VIII. tis singulis annis habeant unam pellem
 A.C. 763. vaccinam, & solearum quatuor paria.
 Ad coemenda ligna pecunia eis detur.
 Hi sumptus vestiarii & lignorum accipiebantur ab Ecclesiæ Metensis redditibus, qui tam in civitate, quam ruri colligebantur. Clerici Beneficia habentes, inde sibi vestimenta comparare tenebantur. Illa ætate adhucdum Beneficium dicebatur possessio fundorum, ab Episcopo concessorum.

c. 28. Cura singularis geratur Canonicorum ægrotantium, præsertim si proprias facultates non habeant. Seorsim habitent, & constituatur Clericus, qui invigilet, ut omnia necessaria præbeantur. Qui cum
 c. 10. Episcopo iter faciunt, vel soli, Regulam
 c. 25. Congregationis, ut poterunt, observabunt.

c. 27. Rectores hujus Congregationis erant, primo Episcopus, & sub ipsius cura Archidiaconus & Primicerius, quos Episcopus castigare & deponere poterat, si officio suo deessent. Erat quoque Cellarius, Ostiarius, infirmis Præfectus, Custodes trium præcipuarum Ecclesiarum, S. Stephani, S. Petri, & Sanctæ Mariæ, qui ibi vel inde haud procul dormiebant, Regulæ tamen subjecti.

c. 24. 4.